

**Anartarfiit imaannik aamma imermik errortuivikumik eqqaaneq pillugu
Namminersorlutik Oqartussat nalunaarutaat nr. 10, 12. juni 2015-imeersoq.**

Avatangiisit innarlitsaaliorneqarnissaannik Inatsisartut peqqussutaanni nr. 9-imi, 22. november 2011-meersumi, Inatsisartut inatsisaatigut nr. 1-ikkut 29. maj 2012-imeersukkut allannguuteqartinneqartumi § 10, imm. 1, nr. 15-16, § 10, imm. 1, nr. 19. § 18, imm. 1, nr. 1-7, § 48, § 56, imm. 1, § 66, imm. 3, aamma § 67, imm. 1 tunngavigalugit makku aalajangersarneqarput:

Siunertat atuuffillu

§ 1. Nalunaarut anartarfiit imaannik aamma imermik errortuivikumik eqqaanermut atuuppoq.

Imm. 2. Aammattaaq nalunaarut pisortat inuinnaallu imermut errortuivikumut katersuiviinut atuuppoq.

Imm. 3. Sumiiffiit kommunit aggornerisa avataanniittut nunami susassaqaarfittut isigineqarput, aammalu Avatangiisinut Naalakkersuisumit aqutarineqarlutik.

Nassuiaatit

§ 2. Uku imatut paasineqassapput:

- 1) Imeq sunaluunniit najugaqarfinit, suliffeqarfinit sanaartukkanillu allanit kuutsinneqartoq imertut errortuivikutut isigineqassaaq. Imermut errortuivikumut ilaatinneqartut tassaapput imeq errortuivikoq illunit kuutsinneqartoq: imeq errortuivikoq mingoqannginnerusoq, imeq errortuivikoq mingoqarnerusoq, sulinermit imeq errortuivikoq kuutsinneqartoq, imeq imaarsaanermi kuutsinneqartoq kiisalu imeq illut qaavinut nunallu qaavanut kuuttoq.
- 2) Imeq illut qaavinut, imaartarfinnut nunallu qaavanut kuuttoq tassaavoq imeq nittaalarnerani illup qaavinut nunaminertanullu tamakkiisumik ilaannaasumilluunniit aalaakkaasunngorlutik sulianut torartoq. Imeq illut qaavinut, imaartarfinnut nunallu qaavanut kuuttoq akuutissanik, nunaminertanit taamaattunit nalinginnaasumik kuuttoqarnerani nassatarineqarsinnaasunik allanik akoqassanngilaq, imaluunniit allatut annertuumik akuugaassanani.
- 3) Illunit imeq errortuivikoq tassaavoq angerlarsimaffinit imeq kuutsinneqartoq, tassungalu ilaavoq imeq anartarfinnit imermik errortortakkanit kuutsinneqartoq.
- 4) Imeq errortuivikoq mingoqannginnerusoq tassaavoq imeq illunit kuutsinneqartoq, tassungalu imeq anartarfinnit imermik errortortakkanit kuutsinneqartoq ilaanngilaq.
- 5) Imeq errortuivikoq mingoqarnerusoq tassaavoq imeq anartarfinnit imermik errortortakkanit kuutsinneqartoq.
- 6) Anartarfiit imaartakkat tassaapput eqqagassat inuit timaannit pisuusut, tassalu qooq anarlu.
- 7) Sulinermit imeq errortuivikoq tassaavoq suliffeqarfiit tunisassiornerinit imeq kuutsinneqartoq.

- 8) Imermut errortuivikumut kuuffeqarfiit tassaapput kussinerit ammasut, taamatullu aqqusersuutit matoqqasut atortullu allat, katersuivimmut kuutsitsiviusut imaluunniit imermik errortuivikumik akuiaaviusut il.il.
- 9) Imermut errortuivikumut kuuffeqarfiit pisinnaasaat tassaapput erngup errortuivikup annertussusii, akuutissanik mingutsitsisunik, nunap kuuffeqarfittut aalajangersarneqartup iluani illumit ataatsimit amerlanerusunilluunniit kuutsinneqarsinnaasunik imaqartut.
- 10) Pisortat imermut errortuivikumut kuuffeqarfii tassaapput imermut errortuivikumut kuuffeqarfiit, ingerlanneqarnerminni aamma/imaluunniit aserfallatsaaliorneqarnerminni kommunalbestyrelsinit akisussaaffigineqartut.
- 11) Namminersortut imermut errortuivikumut kuuffeqarfii tassaapput imermut errortuivikumut kuuffeqarfiit, nr. 10-mut ilaatinneqanngitsut.
- 12) 1 personækvivalent (PE), nalunaarummi matumani allassimasoq tassaavoq, ukiumut akuutissat uumassusillit 21,9 kg-t, iltimik biokemiskiusumik (B15), ukiumut kvælstof-imik katillugit 4,4 kg-nik imaluunniit ukiumut fosfor-imik katillugit 1,0 kg-nik atuisutut uuttorlugit.
- 13) Anartarfiit imermik errortortakkat tassaapput anartarfiit imermut imermullu errortuivikumut kuuffeqarfimmu, soorlu pisortat kuuffeqarfii katersuivimmulluunniit atassuserneqarsimasut.
- 14) Anartarfik imaartagaq tassaavoq eqqiluisaarnermut atortulersuut imilerneqartussaannngitsoq imaluunniit annikitsuaraannarmik imilersorneqarsinnaasoq (anartarfiit kuuffeqanngitsut). Anartarfiit taamaattut tassaasinnaapput puussiartalertakkat imaluunniit siparnilertakkat, kisiannili aamma tassaasinnaallutik anartarfiit nunamut issumullu itersaliorsimasat.
- 15) Illuliornermut malittarisassat, kiisalu illuliornermut inatsisini maleruagassat aalajangersarneqarsimasut sukkulluunniit atuuttut naapertorlugit imermut errortuivikumut peqqussutit malillugit katersuivik tassaavoq tanki ussissoq qerinaveersaartinneqartoq kuuffeqanngitsorlu, kalerrisaarutitalik imaluunniit ulikkaarnermini allatut nalunaarsuutitalik, kiisalu imaarneqarnissamut maqitsivilik.
- 16) Imeq naqitsinilik tassaavoq imeq, aqqusersuutit qerinaveersaartinneqartut aqqutigalugit naqitsineq atorlugu illuni ataasiakkaani il.il. maqinneqartartoq.
- 17) Imeq pajugutaasoq tassaavoq imeq, pilersuinerimut aqqissuussinermit akuerisamiit illup nammineerluni toqqorsivittut tankianut, pisariaqartitsineq malillugu maqitsivigineqartartumut pajugutigineqartoq.
- 18) Kuuffiit tassaapput kuuffiit matoqqasut, illut imermik errortuivikumik kuutsitsisut ataannut silataannulluunniit inissinneqarsimasut.
- 19) Nuna kuuffeqarfik tassaavoq sumiiffik, kuuffinnut atugassatut aalajangerneqarsimasoq, nalinginnaasumillu imeq errortuivikoq assatamut kuutsinneqarsinnaavoq. Nuna kuuffeqarfiusoq immikkoortunik arlalinnik kuuffeqarfeqarsinnaavoq, kisiannili imaanut ataasiinnarmik kuuffeqarluni.
- 20) Katersuivik tassaavoq sumiiffik, imermik errortuivikumik kuuffimmit ataatsimit amerlanerusunilluunniit sunniuteqarfigineqartoq.

§ 3. Atuisinnaatitaasut tassaapput suliffeqarfiit nunaminertanik, nalinginnaasumik nunaminertanik atugassii ffiusartunik atuisinnaatitaasut tamarmik. Tamanna utaqqiisaagallartumik imaluunniit ataavartumik atugassii sarnermut, kiisalu nunaminertanut sanaartorfineqarsimanngitsunut atuuppoq.

Imm. 2. Atuisinnaatitaasunut aamma suliffeqarfiit, peqatigiiffiit aaqqissuussinernullu aaqqissuisunut, ataavartumik imaluunniit utaqqiisaagallartumik inunnik amerlasuunik katersuutsitsisunut sanilliunneqassapput.

Imermut errortuivikumut pilersaarut

§ 4. Kommunalbestyrelsi kommunimi illoqarfinni nunaqarfinnilu imermik errortuivikumik eqqaanissamut pilersaarusiussaaq. Kiisalu kommunalbestyrelsi asimut tunngatillugu pilersaarusiorsinnaavoq. Imermut errortuivikumut pilersaarut minnerpaamik uku pillugit paasissutissanik imaqassaaq:

- 1) Imermut errortuivikumut pilersaarut qanoq kommunimut pilersaarummut, § 34 naapertorlugu katersuivinnut pilersaarummut kiisalu kommunimi aningaasaqarnermut pilersaarummut naleqqiunneqarsimanersoq.
- 2) Nunanut kuuffeqarfiusunut ataasiakkaanut killiliussat.
- 3) Imermut errortuivikumut kuuffeqarfinnut pioreersunut pilersaarutaasunullu nunap assinga, imermut errortuivikumut kuuffeqarfiit pisortanit namminersortunilluunniit pigineqarnersut nalunaarsorlugu.
- 4) Illut suut pisortat imermut errortuivikumut kuuffeqarfiinut attavilerneqarsimanersut, aammalu illut suut namminersortut imermut errortuivikumut kuuffeqarfiinut attavilerneqarsimanersut naatsorsukkat, kiisalu kuutsitsisartunut ataasiakkaanut nassuiaatit.
- 5) Kommunip imermut errortuivikumut kuuffeqarfiutaasa pilersaarutaasumik iluarsanneqarnissaannut aserfallatsaaliorneqarnissaannullu pilersaarut, tassungalu ilanngullugu pingaarnersiutinissaq.
- 6) Suliniutit imermut errortuivikumut pilersaarummi nassuiarneqarsimasut atulersinneqarnissaannut piffissamut pilersaarut.
- 7) Katersuviit suut nunatanit ataasiakkaanit imermik errortuivikumik kuutsitsivigineqarsimanersut, imaluunniit kuutsitsivissanut, kuuffiit inissiffissaannut aammalu erngup errortuivikup kuutsinneqartussatut naatsorsuutigineqartup annertussusissaanut kissaataasinnaasut. Aammattaaq saliinermut iliuusissaasinnaasut aamma katersuviit pitsaassusissaattut kissaatigisat nassuiarneqarsinnaapput.
- 8) Pisortat kuuffeqarfiutaannik pilersitsinermut, iluarsaassinermut ingerlatsinermullu isertitassatut aningaasartuutissatullu naatsorsuutigineqartut suunersut.

Imm. 2. Aalajangiinerup kingorna ukiut arfinilikkaarlugit kommunimi pilersaarutit ataasiakkaat akuersissutigineqarnerini imermik errortuivikumik eqqaanermut pilersaarutit kommunalbestyrelsip iluarsaattassavai.

Imm. 3. Illoqarfinni ataasiakkaani imermut errortuivikumut pilersaarut saqqummersoq siulleq kingusinnerpaamik ulloq 1. august 2018-imi akuerineqarsimassaaq.

Imm. 4. Nunaqarfinni ataasiakkaani imermut errortuivikumut pilersaarut saqqummersoq siulleq kingusinnerpaamik ulloq 1. august 2020-mi akuerineqarsimassaaq.

§ 5. Imermut errortuivikumut pilersaarummut siunnersuutip kommunalbestyrelsimit akuersissutigineqannginnerani, imermut errortuivikumut pilersaarummut missiliuut Avatangiisinut Naalakkersuisumut akisussaasuusumut nassiunneqassaaq, taassumalu tigusinermiit sapaatit akunneri arfineq pingasut qaangiutinnginnerini tassunga oqaaseqaatigisinnaasani saqqummiutissavai.

§ 6. Imermut errortuivikumut pilersaarummut siunnersuutip akuerineqarnerata kingorna, kommunalbestyrelsip siunnersuut tamanut ammasumik saqqummiutissavaa.

Imm. 2 Imermut errortuivikumut pilersaarummut siunnersuut sivikinnerpaamik sapaatit akunnerini arfineq pingasuni tamanut ammasumik, aammalu misissorneqarsinnaasunngorlugu oqaaseqarfigineqarsinnaasunngorlugulu saqqumitinneqassaaq. Imermut errortuivikumut pilersaarummut siunnersuut minnerpaatut kommunip nittartagaani pissarsiarineqarsinnaassaaq.

Imm. 3. Tamanut ammasumik saqqummiussinermi siunnersuummut oqaaseqaateqarnissamut allannguutissanilluunniit siunnersuuteqarnissamut piffissaliussaq allanneqassaaq.

Imm. 4. Tamanut ammasumik saqqummiussinerup peqatigisaanik imermut errortuivikumut pilersaarummut siunnersuut akuerisaq Avatangiisinut, Nuna tamakkerlugu pilersaarusiortarnermut, Peqqissutsimut Naalakkersuisuusunut akisussaasuusunut, Nersutit Nakorsaqarnermi Inuussutissaqarnermilu Oqartussaasumut kiisalu Nakorsaaneqarfimmuut aamma Nukissiorfinnut nassiunneqassaaq. Akerliliissuteqarnissamut oqaaseqaateqarnissamullu piffissarititaasoq allanneqassaaq.

§ 7. Oqaaseqarnissamut piffissarititaasoq naappat, kommunalbestyrelsip imermut errortuivikumut pilersaarutip nutaamik suliarereernerani siunnersuut inaarutaasumik akuerissavaa. Tamatuma peqatigisaanik akerliliissutit allannguutissatullu siunnersuutit piffissami saqqumititsiviusumi tiguneqartut suliarineqassapput.

Imm. 2. Kommunalbestyrelsip imermut errortuivikumut pilersaarummut akuersissuteqarnerani, kommunalbestyrelsi siunnersuummik tamanut ammasumik saqqumitinneqartumik allannguisinnaavoq. Allannguutit annertuutut imaluunniit pilersaarutip imaanut tunngaviusunut uniuttutut kommunalbestyrelsimit naliliiffigineqarpata, imermut errortuivikumut pilersaarutissatut siunnersuut allanngortinneqartoq tamanut ammasumik saqqummiuteqqinneqassaaq, tak. § 6, tassanili akerliliissuteqarnissamut piffissarititaasoq sivikinnerpaamik sapaatit akunnerinik arfinilinnik sivilissusilerneqassaaq.

§ 8. Kommunalbestyrelsi imermut errortuivikumut pilersaarutip inaarutaasumik akuerineqarnerata kingorna pisariaqanngitsumik uninngatitsinani tamanut ammasumik nalunaaruteqassaaq.

Imm. 2. Kommunalbestyrelsi imermut errortuivikumut pilersaarutip tamanut ammasumik nalunaarutigineqartup naqinneranik Avatangiisinut, Nuna tamakkerlugu pilersaarusiortarnermut, Peqqissutsimut Naalakkersuisuusunut akisussaasuusunut, Nersutit Nakorsaqaarnermi Inuussutissaqaarnermilu Oqartussaasumut kiisalu Nakorsaaneqarfimmut aamma Nukissiorfinnut ilisimatitsissutitut nassiussissaaq.

Imm. 3. Kommunip imermut errortuivikumut pilersaarut tamanut ammasumik nalunaarutigineqartoq minnerpaatut kommunip nittartagaanut ikkutissavaa, taamaalilluni pilersaarut tamanit pissarsiarineqarsinnaasunngortissallugu.

§ 9. Kommunalbestyrelsi imermut errortuivikumut pilersaarutit akuerineqartut tunngavigalugit kommunimi imeq errortuivikoq qanoq isumagineqassanersoq ataatsimut takussutissiusaaq.

Imm. 2. Takussutissiami ataatsimoortumi takuneqarsinnaassaaq kommunalbestyrelsip anartarfiit imaartakkat emgullu errortuivikup kommunimi isumagineqarnerinut anguniagai suunersut.

Imm. 3. Ataatsimut takussutissiap naqinnera siulleq kingusinnerpaamik ulloq 1. januar 2021-mi akuerineqarsimassaaq.

Imm. 4. Takussutissiaq ataatsimoortoq Avatangiisinut, Nuna tamakkerlugu pilersaarusiortarnermut, Peqqissutsimut Naalakkersuisuusut akisussaasuusunut, Nersutit Nakorsaqaarnermi Inuussutissaqaarnermilu Oqartussaasumut kiisalu Nakorsaaneqarfimmut aamma Nukissiorfinnut nassiunneqassaaq.

Imm. 5. Kommunip pilersaarut ataatsimoortoq minnerpaamik kommunip nittartagaanut ikkutissavaa, taamaalilluni takussutissiaq tamanit pissarsiarineqarsinnaassalluni.

Imermut errortuivikumut kuuffeqarfinnut attaviliineq

§ 10. Pisortat aqqusiniutaannut qaninnermut imaluunniit nuna pineqartoq aqqutigalugu kuuffiliisoqarsimatillugu, atuisinnaatitaasut pioreersut nunami kuuffeqarfiup imermut errortuivikumut pilersaarummi aalajangersarneqarsimasup iluani nunami kuuffeqarfiusumi aqqutit matoqqasut aqqutigalugit imermut errortuivikumut kuuffeqarfimmut attaviliisussaapput.

Imm. 2. Attaviliineq atuisinnaatitaasup nammineq akiligaanik pissaaq.

Imm. 3. Nunami kuuffeqarfittut aalajangersarneqarsimasumi illut pioreersut pisortat aqqusiniutaannut qaninnermut imaluunniit nuna pineqartoq aqqutigalugu kuuffeqarfiliinerup kingorna kingusinnerpaamik ukiut marluk qaangiunnerini kuuffeqarfimmut attavilerneqarsimassapput.

Imm. 4. Kommunalbestyrelsip pineqartut piffissaliussaq pillugu allakkatigut ilisimatissavai.

Imm. 5. Imm. 3 naapertorlugu piffissaliussaq siusinnerpaamik kommunalbestyrelsip sumiiffimmi imermut errortuivikumut pilersaaruteqarfiusumut akuersinerani atutilissaaq.

Imm. 6. Kommunalbestyrelsi illumut tunngasuni pissutsinik immikkut ittumik naliliineq tunngavigalugu, tassungalugu ilanngullugu anartarfiliinissamut periarfissaqartoqannginnera

imaluunniit atuisinnaatitaasup aningaasaqarnikkut atugai tunngavigalugit, attaviliinissamut pisussaaffeqarnermik saneqqutsinissamut immikkut ittumik akuersissuteqarsinnaavoq.

§ 11. Sanaartorfusoq pioreersoq siunissami imermik naqitsinilimmik pilerneqassappat, tamatuma peqatigisaanik kuuffeqarfimmumut aqqusersuummik akuerisamik kuuffiliinissaq, imaluunniit illuniit imermumut errortuivikumut katersuivinnik immikkoortunik ikkussuinissaq kommunalbestyrelsip qulakkiissavaa.

§ 12. Kommunalbestyrelsi sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat naapertorlugu akuersissuteqarsimappat, kuutsitsinerup imermumut errortuivikumut kuuffeqarfimmumut tamarmiusumut akuersissutip malinneqarnissaanut akornutaannginnissaa kommunalbestyrelsip qulakkiissavaa.

§ 13. Ikkuffik inuinnaat imermumut errortuivikumumut kuuffeqarfianut atassuserneqassappat, imermumut errortuivikumumut kuuffeqarfimmik piginnittup tamanna pillugu kommunalbestyrelsi ilisimatissavaa.

Imm. 2. Inuinnaat imermumut errortuivikumumut kuuffeqarfimmumut atassusiineranni, kuuffeqarfimmik piginnittup kuutsitsinerit tamarmiusut kuuffeqarfimmi pisinnaasassatut akuerisat iluanni annertussuseqarnissaat qulakkiissavaa.

Sikukkut, nunakkut, imermik tarajulimmik tarajoqanngitsumillu kuutsitsinissamut akuersissutit

§ 14. Imermik errortuivikumik katersuivimmumut kuutsitsisarnermi kuutsitsinissamut akuersissuteqartoqarnissaa pisariaqarpoq.

Imm. 2. Kuutsitsinissamut akuersissuteqartoqarnissaanik qinnuteqaat allaganngorlugu tunniunneqassaaq, aammalu paasissutissanik ilanngussaq 1-imi taaneqartunik ilaqartinneqassalluni.

Imm. 3. Kuutsitsinissamut akuersissuteqartoqarnissaanik qinnuteqaat kommunalbestyrelsimut nassiunneqassaaq.

Imm. 4. Imm. 3-mi allassimasut apeqqutaatinnagit, suliffeqarfinnit atortuniillu, avatangiisit innarlitsaaliorneqarnissaannik Inatsisartut inatsisaanni, kingusinnerusukkut allannguuteqartinneqartumi, annertuumik mingutsitsisutut imaluunniit sanaartukkatut annerusutut suliffeqarfittulluunniit pilersinneqartutut allatut, avatangiisinut annertuumik sunnuteqartussatut ilimagineqartutut taaneqartunit imermik errortuivikumik imermumut errortuivikumumut kuuffikkut, kangerlummumut imaanullu kuutsinneqartuklut kuutsitsinissamut qinnuteqaatit Avatangiisinut Naalakkersuisumut akisussaasuusumut toqqaannartumik nassiunneqassapput.

Imm. 5. Inoqutigiinnit erngup errortuivikup 50 PE tikillugu annertussuseqartup imermumut errortuivikumumut kuuffeqarfikkut, kangerlummumut imaanullu kuutsinneqartuklut kuutsitsinissamut akuersissuteqartarnermi kommunalbestyrelsi oqartussaasuvoq.

Imm. 6. Imermik errortuivikumik nunamut kussinernullu ammaannartunut, kangerlummut imaanullu kuutsinneqartunut kuutsitsinissamut akuersissuteqartarnermi kommunalbestyrelsi oqartussaasuvoq.

Imm. 7. Suliani allani, tassungalu sulinermi imermik errortuivikumik kuutsitsisarnermut suliat kiisalu kommunalbestyrelsimit qinnuteqaatit tamaasa ilanngullugit akuersissuteqartarnermi Avatangiisinut Naalackersuisoq akisussaasuusoq oqartussaasuvoq.

Imm. 8. Imm. 5-6-imi allassimasut apeqqutaatinnagit, suliffeqarfinit atortuniillu, avatangiisit innarlitsaaliorneqarnissaannik Inatsisartut inatsisaanni, kingusinnerusukkut allannguuteqartinneqartumi annertuumik mingutsitsisutut imaluunniit sanaartukkatut annerusutut suliffeqarfittulluunniit pilersinneqartutut allatut, avatangiisinut annertuumik sunnuteqartussatut ilimagineqartutut taaneqartunit kuutsitsisarnermut akuersissuteqartarnermi Avatangiisinut Naalackersuisoq oqartussaasuvoq.

Imm. 9. Suliani Avatangiisinut Naalackersuisup akisussaasuusup oqartussaaffigisaani qinnuteqaatit kommunalbestyrelsip Avatangiisinut Naalackersuisumut akisussaasumut ingerlateqqittartussaavai. Suliat ingerlateqqinneqartut aamma kommunalbestyrelsip qinnuteqaammut oqaaseqaataanik ilaqartinneqartassapput, pingaartumik imermut errortuivikumut pilersaarummut tunngatillugu.

Imm. 10. Avatangiisit innarlitsaaliorneqarnissaannik Inatsisartut peqqussutaanni, kingusinnerusukkut allannguuteqartumi kapitali 5 aamma 8 naapertorlugit, Avatangiisinut Naalackersuisup akuersinissamut oqartussaaffigisaani akuersissutit suliarineqarnerini, imermut errortuivikumut akuersissutit akuersissutinut taakkununga ilanngunneqassapput.

Imm. 11. Imm. 1-imi allassimasut apeqqutaatinnagit imeq illut qaavinut, imaarsivimmut nunallu qaavanut kuuttoq akuersissummik pigisaqarani kuutsinneqarsinnaavoq.

§ 15. Akuersissuteqartarnermi oqartussaasut kuutsitsinissamut akuersissummi minnerpaamik piumasaqaatit uku aalajangersassavaat:

- 1) Imermut errortuivikumut kuuffeqarfiup pisinnaasai.
- 2) Kuutsitassap annertussusia katitigaaneralu.
- 3) Ilusilersugaanera.

Imm. 2. Akuersissuteqartarnermut oqartussaasut kuutsitsinissamut akuersissummi saliisarnermi iliuusissanut piumasaqaateqarsinnaapput.

Imm. 3. Aamma akuersissuseqartarnermi oqartussaasuusoq suliffeqarfinnut kuutsitsinissamut akuersissuteqarnerminni imminut nakkutiginnissamik piumasaqaateqarsinnaavoq.

Imm. 4. Kuutsitsinissamut akuersissut piffissamut killiliinissamut piumasaqaammik imaqarsinnaavoq.

Imm. 5. Kuutsitsinissamut akuersissuteqarnermi akuersissuteqartarnermut oqartussaasup imermut errortuivikumut kuuffeqarfiup imermut errortuivikumut pilersaarummut naapertuuttuunera qulakkiissavaa.

§ 16. Akuersissutit qinnuteqartumut, Nakorsaaneqarfimmu, Peqqissutsimut Naalackersuisumut akisussaasuusumut, Nersutit Nakorsaqaarnermi Inuusutissalerinermilu

Oqartussaasunut, kiisalu Avatangiisinut Naalackersuisumut akisussaasuusumut imaluunniit kommunalbestyrelsimut nassiunneqassapput, tassani akuersissuteqarnermut oqartussaanerup arlaata isumagineraa apeqqutaalluni.

§ 17. Imermut errortuivikumut kuuffeqarfiit pioreersut, siusinnerusukkut maleruagassat naapertorlugit sananeqarsimasut atorneqaannarsinnaapput.

Imm. 2. Imermut errortuivikumut kuuffeqarfinnut pioreersunut, siusinnerusukkut maleruagassaasimasut malillugit piffissap aalajangersimasup iluani sananeqarsimasunut nalunaarut manna naapertorlugu qinnuteqartoqarnissaa akuersissuteqartarnermut oqartussaasut pequssutigisinnaavaat.

§ 18. Imermut errortuivikumut kuuffeqarfik imaluunniit pissutsit imermut errortuivikumut kuuffeqarfimmut sunniuteqartut annertuumik allanngortinneqarpata, tassungalu ilanngullugu kuuffik nuunneqarpat, § 14 naapertorlugu nutaamik akuersissuteqartoqarnissaa pisariaqarpoq.

Imm. 2. Kiisalu erngup errortuivikup, kuuffeqarfikkut kuutsinneqartup annertussusia katitigaaneraluunniit annertuumik allannguuteqarpat, § 14 naapertorlugu nutaamik akuersissuteqartoqarnissaa pisariaqarpoq.

Imm. 3. Imm. 1 aamma imm. 2 naapertorlugu allannguneq annertuujunersoq akuersissuteqartarnermi oqartussaasut aalajangertussaavaat, taamaattumillu nutaamik akuersissuteqartoqarnissaa pisariaqarpoq.

Akiliutit

§ 19. Akuersissuteqartarnermut oqartussaasut malittarisassani imermik errortuivikumik kuutsitsinissamut akuersissummik tunniussinnissamut akiliummik aalajangersaasinnaapput.

§ 20. Kommunalbestyrelsi pisortat malittarisassanik imermik errortuivikumik kuutsitsinissamut kuuffeqarfii aqqutigalugit imermik errortuivikumik eqqaanermut ukiumoortumik akiliummik aalajangersaasinnaapput.

Imm. 2. Imermik errortuivikumik kuutsitsinermut ukiumoortumik akiliut atuisinnaatitaasup imermik atuinera tunngavigalugu aalajangerneqarsinnaavoq.

Imm. 3. Imermik errortuivikumik kuutsitsinermut akiliut ukiumoortoq taamaallaat aningaasanik, kommunip sanaartukkamik ingerlatsineranut aningaasartuutitut matussutissanik, kiisalu siunissami imermik errortuivikumut kuuffeqarfinnik iluarsaassinermut taarsiinermulluunniit atugassanik imaqarsinnaavoq.

Anartarfiit imaartakkat

§ 21. Anartarfiit imaartakkat taamaallaat anartarfittut atorneqassapput.

§ 22. Inatsisini allani maleruagassanik aalajangersaasoqarsimatinnagu, kommunalbestyrelsi anartarfiit imaartakkat amerlassusissaannut ilusissaannullu aalajangiissaaq, sumiiffinnullu

taakkununga tammaarsimaarfiit aammalu sumiiffiit inuit amerlasuut ataavartumik utaqqiisaagallartumillu katersuuffigisartagaat ilaatinneqarput. Matumani illoqarfiit nunaqarfiillu iluini avataannilu sumiiffiit pineqarput.

Imm. 2. Kommunalbestyrelsi anartarfiit imaartakkat amerlassusissaannut ilusissaannullu aalajangiissapput, ilanngullugit tammaarsimaarfiit aammalu sumiiffiit illoqarfiit nunaqarfiillu avataanni inuit amerlasuut ataavartumik utaqqiisaagallartumillu katersuuffigisartagaat.

§ 23. Imaajaasarnermut aaqqissuussinernut atatillugu kommunalbestyrelsi malittarisassiani anartarfinnik imaartakkanik aalajangersimasunik atuinissamut peqqussuteqarsinnaavoq.

Imm. 2. Anartarfinnik imaartakkanik puussiartalinnik atuinissaq kommunalbestyrelsip peqqussutigippagu, anartarfiit puussaat kommunimit pilersuutigineqassapput.

§ 24. Anartarfiit puuinik siparninilluunniit aasassanik, katersugassanik, imaagassanik illup silataanut inissiisoqassappat, imaat qimmunit, timmissanit uumasunilluunniit allanit anguneqarsinnaajunnaarlugit inissinneqassapput.

Anartarfiit imaartakkat imaannik imermullu errortuivikumut katersuiviit imaannik eqqaasarneq

§ 25. Kommunalbestyrelsi anartarfiit imaartakkat imaannik imermullu errortuivikumut katersuiviit imaannik eqqaavissatut periarfissamik innersuussissaaq.

Imm. 2. Eqqaavissatut periarfissaq innersuunneqartoq atuisinnaatitaasumit atorineqassaaq.

Imm. 3. Illoqarfimmi nunaqarfimmiluunniit illut tamarnik kuuffeqarfimmut atassuserneqarnissaq anguppasuk, kommunalbestyrelsip imm. 1 naapertorlugu anartarfiit imaannut innersuussisussaataitanera atorunnaassaaq.

§ 26. §§ 4-9-mi imermut errortuivikumut pilersaarut pillugu aalajangersakkat eqqarsaatigalugit illoqarfinni nunaqarfinnilu anartarfiit imaartakkat imaannik imermullu errortuivikumut katersuiviit imaannik eqqaanermut majorallaffimmik eqqaanermulluunniit aaqqissuussamik akuerisamik allamik pilersitsinissaq kommunalbestyrelsip qulakkiissavaa.

Imm. 2. § 25, imm. 3 naammassineqarsimappat, anartarfiit imaartakkat imaannik imermullu errortuivikumut katersuiviit imaannik eqqaanermut majorallaffimmik eqqaanermulluunniit aaqqissuussamik akuerisamik allamik pilersitsinissamut pisussaaffik atorunnaassaaq.

§ 27. Asimi sanaartukkap qanoq ittuunera tunngavigalugu, kommunalbestyrelsimit innersuussutit naapertorlugit anartarfiit imaartakkat imaannik eqqaanissaq atuisinnaatitaasup nammineerluni isumagissagaa kommunalbestyrelsip piumasarisinnaavaa.

Imm. 2. Asimi erngup errortuivikup annertussusia sanaartukkallu qanoq ittuunera tunngavigalugu kommunalbestyrelsimit innersuussutit naapertorlugit imermut errortuivikumut katersuiviit imaannik atuisinnaatitaasup eqqaanissaa kommunalbestyrelsip piumasarisinnaavaa.

§ 28. Illoqarfinni nunaqarfinnilu eqqaanissamut aqqissuussinerit § 26-imi taaneqartut pilersinneqannginnerminni Avatangiisinut Naalakkersuisumit akisussaasumit akuerineqartussaapput.

Imm. 2. Eqqaanermut aqqissuussinerit pioreersut atorneqarneri akuersissutitaqanngitsumik ingerlaannarsinnaapput.

Imm. 3. Eqqaanermut aqqissuussinerit pioreersut piffissaliussap qaangiutinnginnerani nalunaarut manna malillugu akuerineqarnissamik qinnuteqarfiussasut Avatangiisinut Naalakkersuisoq akisussaasuusoq aalajangersinnaavoq. Akuersissuteqarnissamut eqqaanermut aqqissuussinerit pioreersut allangortinneqarnissaat nuunneqarnissaallu piumasaaatigineqarsinnaavoq.

Imm. 4. Imm. 3 uniffik siulleq malillugu piffissaliussaq minnerpaamik ukiumik ataatsimik sivisussuseqassaaq.

Imaajaasarnermik aqqissuussinerit

§ 29. Kommunalbestyrelsi illoqarfinni nunaqarfinnilu anartarfiit imaartakkat imaannik imermullu errortuivikumut katersuviit imaannik imaajaanermut aqqissuussinernik atuutsitsilersinnaavoq.

Imm. 2. Kommunalbestyrelsi ukiunik marlunnik sioqqutsisumik nalunaaruteqarluni anartarfiit imaartakkat imaannik imermullu errortuivikumut katersuviit imaannik imaajaanermut aqqissuussinernik atulersinneqarsimasinnaasunik atorunnaarsitsisinnaavoq.

Imm. 3. Imm. 2 naapertorlugu aqqissuussinernik atorunnaarsitsinermi kommunalbestyrelsip eqqorneqartussat allakkatigut ilisimatissavai.

§ 30. Asimi avatangiisit peqqissutsimilu pissutsit tunngavigalugit pisariaqartinneqartut naliliisoqarpat, kommunalbestyrelsi anartarfiit imaartakkat imaannik imermullu errortuivikumut katersuviit imaannik imaajaanermut aqqissuussinernik atuutsitsilersinnaavoq.

§ 31. Kommunimi anartarfiit imaartakkat imaannik imermullu errortuivikumut katersuviit imaannik imaajaanermut aqqissuussinernik atuutsitsisoqarpat, aqqissuussineq atuisinnaatitaasumit atorneqassaaq.

Imm. 2. Anartarfiit imaartakkat imaannik imermullu errortuivikumut katersuviit imaannik imaajaanermut akiliutinik kommunalbestyrelsi ukiumoortumik aalajangersaasinnaavoq.

Imm. 3. Anartarfiit imaartakkat imaannik imermullu errortuivikumut katersuviit imaannik imaajaanermut akiliut ukiumoortoq taamaallaat aningaasanik, Anartarfiit imaartakkat imaannik imermullu errortuivikumut katersuviit imaannik imaajaanermut, kiisalu siunissami iluarsaassinissamut ineriartortitsinissamulluunniit aningaasartuutitut atugassanik imaqarsinnaavoq.

§ 32. Anartarfiit imaartakkat imaannik imermullu errortuivikumut katersuviit imaannik suliaqarneq assartuinerlu peqqissutsimut avatangiisinullu isumannaatsumik, aammalu kommunalbestyrelsip aalajangersagaannut naapertuuttumik ingerlanneqassapput.

Imm. 2. Suliffeqarfiup kommunimit ingerlanneqanngitsup isumaqatigiissuteqarfigineqarnera malillugu, anartarfiit imaartakkat imaannik imermullu errortuivikumut katersuviit imaannik eqqaasarneq tamakkiisoq taassumaluunniit ilaa suliffeqarfiup suliarisassagaa kommunalbestyrelsi aalajangersinnaavoq.

Imm. 3. Anartarfiit imaartakkat imaannik imermullu errortuivikumut katersuviit imaannik imaajaasarneq kommunalbestyrelsip innersuussutaannut naapertuuttumik ingerlanneqartoq kommunalbestyrelsip qulakkiissavaa.

Anartarfiit imaartakkat imaannut imermullu errortuivikumut katersuivinnut maleruaqqusat

§ 33. Kommunip illoqarfiani nunaqarfiinilu anartarfiit imaartakkat imaannik imermullu errortuivikumut katersuivinnik imaajaaneq eqqaanerlu pillugit maleruaqqusat erseqqinnerusut kommunalbestyrelsip maleruaqqusani aalajangersassavai.

Imm. 2. Maleruaqqusat taakku paasissutissanik makkuninnga imaqaassapput:

- 1) Imermut errortuivikumut katersuviit imaasa anartarfiillu imaartakkat imaasa eqqarneqarfigisinnaasaat.
- 2) Anartarfiit imaartakkat akuerisat suussusii anartarfiillu puussiartai.
- 3) Erngup errortuivikup katitigaanera.
- 4) Kommunimi anartarfiit imaartakkat imaannik imermullu errortuivikumut katersuviit imaannik imaajaasernerit.
- 5) Anartarfilerisut anartarfinnik imaartakkanik imaarsinissaannut imaluunniit siparnit anartarfiilluunniit puussiartaasa illup silataani inissinneqarnissaat pillugit malittarisassat.
- 6) § 31, imm. 3 naapertorlugit kommunit imaajaasarnermi aaqqissuussinerinik atuinnermut akiliutit.

Katersuiveqarnissamut pilersaarut

§ 34. Avatangiisinut Naalackersuisoq akisussaasuusoq katersuivinnut pilersaarummik, katersuviup atorneqarneranut uuttuutunik pingaarnernik aammalu avatangiisit qanoq issusissaannut piomasaaqatinik allattuiviusumik suliaqarsinnaavoq, taakkunungalu pissutsit isikkussaannut eqqiluisaarnermullu tunngasut ilaatinneqassapput. Anguniakkat anguniarlugit imermik errortuivikumik saliiveqarnissaq pisariaqartinneqarpat, pilersaarut piomasaaqatinik pingaarnernik imaqassaaq.

Imm. 2. Katersuviit pilersaarusiornissaannut siunnersuut tamanut ammasumik saqqummiunneqassaaq, aammalu inaarutaasumik aalajangiinissaq sivikinnerpaamik qaammatinik pingasunik sioqqullugu kommuninut, Nakorsaaneqarfimmu, Nersutit Nakorsaqaarnermi Inuussutissalerinermilu Oqartussaasumut Naalackersuisumut akisussaasumut nassiussuunneqassalluni.

Aalajangersakkat allat

§ 35. § 14, §§ 22-23, § 28 aamma § 30 naapertorlugit aalajangiisoqarnissaanut atatillugu, aalajangiisoqannginnerani Nakorsaaneqarfimmut aamma Nersutit Nakorsaqaarnermi Inuussutissalerinermilu Oqartussaasumut Naalakkersuisumut akisussaasuusumut tusarniaasoqassaaq.

Nakkutilliinermut oqartussaasut.

§ 36. Nalunaarut manna naapertorlugu kommunalbestyrelsi nakkutilliinermi oqartussaasuvoq, taamaattorli takuuk imm. 2.

Imm. 2. Avatangiisinut Naalakkersuisoq akisussaasuusoq kommunini imermut errortuivikumut kuuffeqarfikkut kuutsitsisarnermut aammalu suliffeqarfinit atortuniillu, avatangiisit innarlitsaaliorneqarnissaannik Inatsisartut inatsisaanni, kingusinnerusukkat allannguuteqartinneqartumi annertuumik mingutsitsisutut imaluunniit sanaartukkatut annerusutut suliffeqarfittulluunniit pilersinneqartutut allatut, avatangiisinut annertuumik sunniuteqartussatut ilimagineqartutut taaneqartunit kuutsitsisarnermut nakkutilliisutut oqartussaasuvoq.

Nakkutilliineq peqqussuteqartarnerlu

§ 37. Paasissutissanik nutaanik takkuttoqarpat, imaluunniit paasissutissanik ilisimaneqareersunik naliliinerit ilisimatusarnermi paasisat nutaat ilisimasalluunniit allat tunngavigalugit allanngorsimappata, akuersissummik pigisaqartup nammineerluni akiligaanik imermi errortuivikumi akuutissanut tunngatillugu misissugassanik tigusinissamik, misissueqqissaarnissamik uuttuinissamilluunniit nakkutilliinermut oqartussaasut peqqusisinnaapput.

Imm. 2. Misissueqqissaagassat laboratoriami akuerineqartumi suliarineqartassapput.

Imm. 3. Laboratoria akuerineqartoq, imm. 2-mi pineqartoq tassaavoq laboratoria, Den Danske Akkrediterings- og Metrologifond-imit (DANAK) imaluunniit akuersisartumit assingusumit, EA-p (European co-operation for Accreditation) akuerseqatigiinnissaq pillugu suleqatigiit amerlasuut isumaqatigiissutaannut atsioqataasimasunit akuerineqartoq.

§ 38. Attaviliineq pioreersoq imermut errortuivikumut kuuffiup pisinnaasaanut akuerisamut aammalu imermik errortuivikumik kuutsitsinissamut akuersissummi piumasaaqatinut naleqqiullugu ajornartorsiortitsippat, nakkutilliinermi oqartussaasut atuisinnaatitaasoq attaviliinissamut akuersissummik nutaamik piniarnissamut peqqusinnaavaat.

§ 39. Kuutsitsineq pioreersoq avatangiisinut imaluunniit isumannaallisaanermut peqqissutsimulluunniit immikkut ajornartorsiortitsippat, § 14 naapertorlugu nakkutilliinermi oqartussaasut attaviliinissamut akuersissummik nutaamik piniarnissamik peqqussuteqarsinnaapput.

§ 40. Imeq illut qaavinut, imaartarfinnut nunallu qaavanut kuuttoq immikkut ittumik ajoqutaappat, erngup illut qaavinut, imaartarfinnut nunallu qaavanut kuuttup imermut errortuivikumut kuuffeqarfimmut, kangerlummut imaanulluunniit kuuffeqartumut kuuffilerneqarnissaa kommunalbestyrelsip atuisinnaatitaasumut peqqussutigisinnaavaa.

§ 41. Inuinnaat pisortalluunniit imermut errortuivikumut kuuffeqarfiinik sananermi, allannguinermi iluarsaassinermiluunniit ataavartussamik iliuusissami, soorlu imermut errortuivikumut saliiimmik sananissamik, imermut errortuivikumut kuuffiit nuunneqarnissaannik allatulluunniit iliuuseqarallarnissamik, soorlu katersuiviugallartumut kuutsitsinissamik akuersissuteqartarnermut oqartussaasut peqqusisinnaapput.

§ 42. Imermut errortuivikumut kuuffeqarfimmut attaviliineq imaluunniit imermik errortuivikumik kuutsitsineq peqqissutsimut avatangiisinulluunniit ulorianartorsiortitsippat, nakkutilliinermi oqartussaasut ikiuutaasussamik, pinngitsoortitsiviusussamik iluarseeqqiffiusumilluunniit pilersitsinissamut peqqussuteqarsinnaapput imaluunniit imermut errortuivikumut kuuffimmut attaviliinissamut imermilluunniit errortuivikumik kuutsitsinissamut inerteqquteqarsinnaallutik.

Imm. 2. Imermut errortuivikumut kuuffeqarfimmut attaviliineq imaluunniit imermik errortuivikumik kuutsitsineq imermut errortuivikumut kuuffeqarfiup ingerlaneranut ajornartorsiortitsippat, soorlu milittoorsimappat, orsoq katersuussimappat imaluunniit akuutissanit avatangiisinut ajoqutaasunit sunnuteqarfigineqarpat, nakkutilliinermi oqartussaasut ikiuutaasussamik, pinngitsoortitsiviusussamik iluarseeqqiffiusumilluunniit pilersitsinissamut peqqussuteqarsinnaapput imaluunniit imermut errortuivikumut kuuffimmut attaviliinissamut imermilluunniit errortuivikumik kuutsitsinissamut inerteqquteqarsinnaallutik.

Imm. 3. Akuusunut tusarniaareernikkut nakkutilliinermut oqartussaasut peqqussuteqarnermut inerteqquteqarnermulluunniit aalajangiineq, Nakorsaaneqarfimmut aammalu Nersutip Nakorsaqarnermi Inuussutissalerinermilu Oqartussaaneermut Naalackersuisumut akisussaasuusumut nalunaarummik ilallugu allakkatigut akuusunut nalunaarutigissavaat. Aalajangiinerit peqqussuteqarnerup inerteqquteqarnerulluunniit naammassinissaanut piffissaliussamik imaqaassapput.

§ 43. Imermut errortuivikumut kuuffeqarfimmut attaviliineq imaluunniit imermik errortuivikumik kuutsitsineq peqqissutsimut annertuumik ajornartorsiortitsippat, kiisalu annertuumik mingutsitsinissaq mingutsitsinerulluunniit siaruarnissaa pinngitsoorniarlugu pilertortumik iliuuseqartoqarnissaa pisariaqartillugu, nakkutilliinermi oqartussaasut oqaasiinnaat atorlugit peqqussuteqarnissaat inerteqquteqarnissaallu aalajangiunneqarsinnaavoq.

Imm. 2. Imm. 1 naapertorlugu peqqussut inerteqquteqarnerluunniit erngerluni naammassineqassaaq.

Imm. 3. Oqaasiinnaat atorlugit peqqussuteqarneq inerteqquteqarnerluunniit nakkutilliinermi oqartussaasunit ullut 14-it qaangiutsinnagit allakkatigut uppersarsameqassaaq, taamaattoqanngippallu peqqussut atorunnaassaaq.

§ 44. Anartarfinnut imaartakkanut aamma anartarfiit imaartakkat imaannik eqqaanermut kiisalu erngup erroruivikup eqqaavissaannut tunngatillugu kommunalbestyrelsi peqqussuteqarsinnaavoq inerteqquteqarsinnaallunilu, uku siunertaralugit:

- 1) Mingutsitsinissamik pinaveersaartitsineq
- 2) Peqqissutsimi pissutsinik pitsanngorsaaneq
- 3) Eqqiluisaarnermik pitsanngorsaaneq
- 4) Anartarfilerisut ajornartorsiutaannik annikillititsinissaq

Imm. 2. Peqqussuteqarnermi anartarfiit imaartakkat amerlanerulernissaat, eqqiluisaanerup pitsaanerulernissaa, aqqutissat imaqartinneqannginnissaat, anartarfiit imaarneqartarnerisa akulikinnerulernissaa assigisaalluunniit piumasarineqarsinnaapput.

§ 45. Nakkutilliinermi suliani, peqqissutsimik ulorianartorsiortoqarnera tamatumaluunniit pisinnaanera tunngavigalugu peqqussuteqarnissamik inerteqqussuteqarnissamilluunniit kissaateqarfiusuni tamani Nakorsaaneqarfik aalajangiinermut ilaatinneqartassaaq.

§ 46. Suliffeqarfimmut peqqussut inerteqquteqarnerluunniit ingerlatsisumut tunniunneqassaaq. Ingerlatsisoq kinaanersoq paasineqarsinnaanngippat, peqqussut inerteqquteqarnerluunniit atuisinnaatitaasumut tunniunneqassaaq.

Stk. 2. Inuinnaat illuannut peqqussut inerteqquteqarnerluunniit atuisinnaatitaasumut tunniunneqassaaq.

Imm. 3. Imm. 1 aamma 2 naapertorlugit peqqussummik inerteqquteqarnermilluunniit tiguisoq peqqussutip inerteqquteqarnerulluunniit naammassinissaanut akisussaasuvoq.

Saneqqutsisinnaanermut periarfissat

§ 47. Avatangiisinut Naalakkersuisoq akisussaasuusoq kommunalbestyrelsimut tusarniaareernermini § 4-p, § 9-p, §§ 25-26-p aamma § 33-p saneqqunnissaannut immikkut ittumik akuersissuteqarsinnaavoq.

Imm. 2. Pisuni immikkut ittuni, ilanngullugu ilinniarnermi ilisimatusarnermilu suliat pineqartillugit, imaluunniit aningaasaqarnermi pissutsit piffissarluunniit eqqarsaatigalugit tunngavissaqartoqartillugu imm. 1 naapertorlugu saneqqutsinissamut akuersissuteqartoqarsinnaavoq.

Maalaarutit

§ 48. Nalunaarut manna naapertorlugu aalajangiinerit tamarmik avatangiisinik innarlitsaaliuinissamut Inatsisartut peqqussutaanni kapitali 14-imi maleruagassat naapertorlugit maalaarutigineqarsinnaapput.

Pineqaatissiinermut atortuulersitsinermullu aalajangersakkat

§ 49. Akiliisinneqarsinnaapput:

1) § 4-mik, § 6-imik, § 8-mik, § 9, imm. 1-imik, imm. 2-mik aamma 4-mik, § 10, imm. 2-mik aamma imm. 5-imik, § 11-mik, § 12-imik, § 13-imik, § 14, imm. 1-imik, § 18, imm. 1-imik aamma 2-mik, § 21-mik, §§ 24-27-mik, § 28, imm. 1-3-mik, § 31, imm. 1-imik imaluunniit § 32-mik unioqqutitsisoq.

2) § 23 imaluunniit §§ 37-44 naapertorlugit naalakkiutinik, peqqussutinik, inerteqqutinilluunniit sumiginnaasoq.

3) malittarisassanik § 23, § 29, § 30 imaluunniit § 33 naapertorlugit aalajangersarneqartunik unioqqutitsisoq.

Imm. 2. § 15, imm. 1-3-mi piunasaqaatinik aalajangersarneqartunik unioqqutitsisoq akiliisinneqarsinnaavoq.

Imm. 3. Kalaallit Nunaanni pinerluttulerinermut inatsimmi maleruagassat naapertorlugit ingerlatsivimmut pisinnaatitaasumut pisussaatitaasumullu akiliisitsisoqarsinnaavoq.

Imm. 4. Akiliisitsissutit, imm. 1-3 naapertorlugu aalajangersarneqartut Nunap Karsianut tutsinneqassapput.

Atortuulersitsineq ikaarsaarnermullu maleruagassat

§ 50. Nalunaarut manna 1. august 2015 aallarnerfigalugu atuutilerpoq.

Imm. 2. Tamatuma peqatigisaanik anartarfiit aamma imermik errortuivikumik anartarfillu imaannik eqqaaneq pillugit Namminersornerullutik Oqartussat nalunaarutaat nr. 27, 17. september 1993-imeersoq atorunnaarsinneqarpoq.

Imm. 3. Anartarfiit aamma imermik errortuivikumik anartarfillu imaannik eqqaaneq pillugit Namminersornerullutik Oqartussat nalunaarutaat nr. 27, 17. september 1993-imeersoq naapertorlugu kommunini maleruagassiarineqartut kommunalbestyrelsimit taakkuninnga atorunnaarsitsisinnaanerisa tungaanut sulii atuutissapput.

Namminersorlutik Oqartussat, ulloq 12. juni 2015


Mala Høy Kulso


Mette Skarregaard Pedersen

Ilanngussaq 1

Qinnuteqartup, kuutsitsinissamut akuersissummik kissaateqartup qinnuteqaatip suliarineqarnissaanut paasissutissat suut saqqummiutissanerai pillugit paasissutissiinissaq ilanngussami siunertarinqarpoq. Pisut ilaanni paasissutissat ilaasa qinnuteqaammi pisariaqannginnerat allassimasinnaavoq. Qinnuteqaammi immikkoortup ataatsip immersorneqarnissaa pisariaqanngitsutut naliliiffiqineqarpat, qinnuteqartup nalunaarsuinermini allassavaa: *Pisariaqanngilaq*. Tamatuma kingorna suliassamik suliarinnittup ilaatitsinngitsoorneq eqqortuunersoq naliliiffiqissavaa. Paasissutissat amigarnerini qinnuteqaat qinnuteqartumut utertinneqassaaq, qinnuteqaallu paasissutissat tamaasa pissarsiarineqarsimatinnagit suliarineqassanngilaq.

Imermik igitassamik 50 PE-t sinnerlugit imermut igitassamut kuuffeqarfikkut, kangerlummut immamullu kuuffilikkut kuutsitsisoqartassappat imm. F immersorneqassaaq.

A) Qinnuteqartut piginnittoqarnerlu pillugit paasissutissat

- a) Qinnuteqartup aqqa, najugaa, oqarasuaataata normua, fax-eqarpallu normua aamma mailadressea. Suliffeqarfik pineqarpat: Suliffeqarfiup aqqa kiisalu inuup attaveqarfissap aqqa, suliffeqarfiup najugaa, oqarasuaataata normua, fax-eqarpallu normua aamma mailadressea.
- b) Imermut igitassamut kuuffimmik piginnittoq qinnuteqartuungippat, kuuffiup piginnittua pillugu paasissutissat: Piginnittup aqqa, najugaa, oqarasuaataata normua, fax-eqarpallu normua aamma mailadressea.
- c) Ingerlatsinermut kuuffeqarfiliormullu tunngatillugu inuk attaveqarfissaq pillugu paasissutissat: Ateq, najugaq aamma oqarasuaataata normua.

B. Kuutsitassat pillugit paasissutissat

- a) Suliffeqarfik/angerlarsimaffimmi pissutsit/kuuffeqarfik kuutsitsisussaq pillugu nassuiaat naatsoq, imermik igitassamik pilersitsiviusuni suleriaatsit aallullugit. Matumani illumiit imeq errortuivikoq, imeq errortuivikoq, imeq perusersartarfinnik errortuivikoq sulinermilu errortuivikoq, imeq imaarsaataasoq kiisalu imeq qalianiit manissuniillu kuuttoq pineqarnersoq taaneqassaaq.
- b) Matumani pineqarpat illumiit imeq igitassaq, imeq errortuivikoq, imeq perusersartarfinnik errortuivikoq sulinermilu errortuivikoq, imeq imaarsaataasoq kiisalu imeq qalianiit manissuniillu kuuttoq.
- c) Suliassatut qinnutigineqartumut nassuiaat naatsoq. Kuuffeqarfik nutaajunersoq imaluunniit kuuffeqarfik pioreersoq allineqarnersoq allanneqassaaq.
- d) Qinnutigineqartoq utaqqiisaannaasumik atugassaappat, piffissaq aallartiffissaa naammassivissaalu uani allanneqassaaq.

C. Sananeq pillugu paasissutissat

- a) Suliassap qinnuteqaatigineqartup teknikkimut tunngasortaanut nassuiaat, annertussusissaanut atortullu toqqarneqartut suunerinut paasissutissanik imaqartoq.
- b) Qinnuteqaatigineqartumi illumi alliliinissaq/allannguinnissaq pisariaqartinneqarnersoq nassuiaruk, aammalu kuuffeqarfimmut sananissamut akuersissummik/nunaminertamik atugassinneqarnissamik pissarsinissaq pisariaqarnersoq allaguk.
- c) Sanaartornissamut tunngasut piffissat aallartiffissatut naammassiffissatullu naatsorsuutigineqartut allakkit.
- d) Kuuffeqarfiliomerup kingunerisaanik kuuffeqarfiit pioreersut allangortinneqarnerinik kinguneqassanersoq, allangortinneqassappatalu suut pineqarnersut nassuiaruk.

D. Ukununnga titartakkanik ilanngussigit:

- a) Illut tamarmik inissisimaffii aammalu illup immikkoortuata, kuuffeqarfimmut atassuserneqarsimasup, kuutsitamik katersuiffissamut kuuffilerneqartussap inissisimaffia.
- b) Suliffeqarfik kuuffeqarfimmut atassuserneqassappat, suliffeqarfiup tunisassiorfiata inissisimaffia allanneqassaaq.
- c) Suliffeqarfimmi, kuuffeqarfimmut atassuserneqarsimasumi, illup silataani imaluunniit illup iluani imermik errortuivikumut kuuffeqarfimmi suliaqartoqassappat tamanna ilisimatitsissutigineqassaaq.
- d) Suliffeqarfik kuuffeqarfimmut atassuserneqarsimappat, tamanna suliffeqarfiup imermut errortuivikumut aamma imermut nunap qaaniittumut kuuffeqarfiata (ruujorilersukkap imaluunniit ruujorilersugaanngitsup) titartagartai atorlugit ilisimatitsissutigineqassaaq, taakkunungaluni ilaapput kuuffeqarfiit, katersuiviit siorartallit, uulianik immikkoortiterutit salisarnermiluunniit iliuuserisat allat, soorlu imermut errortuivikumut atortunut imaluunniit imermut errortuivikumut katersuivinni silaannarissaatit. Titartagaq qalipaateqassaaq, taamaalilluni aqqusersuutit suut imermut errortuivikumut atorneqarnersut ersarissalluni.
- e) Illup iluani silamilu tunisassiassat, ikiortitut atortut eqqakkallu, kuuffeqarfimmut kuutsinneqarsinnaasut inissisimaffii titartakkami nalunaarsorneqassapput.
- f) Titartakkat uuttuserneqassapput avannamullu sammisortanut tikkuuteqassallutik.
- g) Titartakkat tamarmik kommunimut pilersaarummut tapiliussat arlaanni kuutsisisoqassaneranut nalunaarsukkanik imaqassapput.

E. Imermut errortuivikumut nassuiaat

Immikkoortumi matumani imeq errortuivikoq kuuffeqarfikkut kuutsinneqartussaq nassuiaasiorneqassaaq.

Imermut errortuivikumut kuuffeqarfikkut kuutsinneqartumut ataatsimut imeq kuutsinneqartoq m³-nngorlugu, erngup katitigaanera sumiiffiillu kuuffeqarfiusut,

kissassuseq, pH, akuutissat mingutsitsisinnaasut aamma akuutissat katagartut annertussusii ilisimatitsissutigineqassapput.

Erngup kuutsinneqartup sekundimut, nalunaaquttap akunneranut, ullormut unnuamullu aammalu ukiumut annerpaaffia, kiisalu kuutsitsinerup nalunaaquttap akunneranut, ullormut unnuamullu, sapaatit akunnerannut, nalunaaquttap akunneranut kiisalu kuutsitsinerup ingerlaannartumik naaffeqartumilluunniit ingerlanneqarneranut paasissutissat ilisimatitsissutigineqassapput.

- a) Imeq anartarfinnik errortuivikoq.
 - a. Kuutsitsinermi inuit amerlassusii
 - b. Inuit eqqagaat
- b) Imeq sulinermi errortuivikoq.
 - a. Sulinermi erngup kuutsinneqartup katitigaaneranut nassuiaat.
- c) Imeq nillasaatigineqartoq.
 - a. Erngup nillasaatigineqartup katitigaaneranut nassuiaat. Imermik nillasaatigineqartumik kuutsitsisoqarpat, erngup nillarsaataasup kissassusia nassuiarneqassaaq, tassungalu kuutsitseriaatsip allanngoramera ilanngunneqassaaq.
- d) Kantiinaqarfiit/suliffissuit igaffii
 - a. Kantiinaqarfimmit/suliffissuit igaffiinit erngup errortuivikup katitigaaneranut nassuiaat
- e) Uulianik akulinnik (biilit, atortut qaavi uuliatallit, qillerutinut/killuutinut uuliat, nutsuinermit uuliat assigisaallu) errortuisoqartarpat/orsuiaasoqartarpat, tamanna uani nassuiarneqassaaq,
- f) Allat
 - a. Erngup errortuivikup katitigaaneranut nassuiaat (Akuutissani aamma Uumassusilerinermit ilti atorineqartoq, N-it katinneri, P-t katinneri, akuutissat katagartut, akuutissat avatangiisiniittuunngitsut aatsitassiassallu oqimaatsut)
- g) Ingerlatsinermit akornusersuutaasinnaasut imaluunniit ajutoornerit imermut errortuivikumut aqqusersuutini allanngortitsisinnaasut pillugit paasissutissat
- h) Kinnikunik sinnikunilluunniit allanik kuutsinneqartunik toqqortaqaarneq eqqaanerlu.

F. Atugassatut naatsorsorneqartunut kiisalu imeqarfimmiit imermut errortuutissamut takussutissiat

Imerk errortuivikumik kuuffeqarfikkut, kangerlummut immamullu kuutsinneqartukut 50 PE-t sinnerlugit kuutsisisoqartarnerani, imm. F-imi immersugassat immersorneqassapput.

Imeqarfinnit imeq kuutsinneqartoq

Imeqarfiup pisinnaasaa (m ³ /ullormut)
Erngup errortuutikup annertussusia (m ³ /ullormut)
Imermi errortuutikumi kinnerup annertussusia (gram/m ³)
Akuutissat akulerunneqartut

Suliassaqarfinni ataasiakkaani atuinnermut naatsorsukkanut takussutissiaq

Sumiiffik	Inoqutigii amerlassusii	Inuit amerlassusii	Kuutsinneqartut m ³ /ullormut	BI5 kg/ullormut	SS kg/ullormut	Katill.-P kg/ullormut	Katill.-N kg/ullormut	PE
Katillugit								

BI5 (Ulluni unnuanilu tallimani uumassusillit iltimik atuinerat)

SS (Akuutissat katagartut). Akuutissat katagartut amerlassusaa imermik misissugassamik filterimit, putui 1,6 µm-inik (1,6/1000 mm) angissusilimmit tigusinikkut aalajangerneqartarput.

G. Mingutsitsineq aamma mingutsitsinermik killilersuiniarluni iliuuserisat pillugit paasissutissat

- a) Imerk errortuivikumik kuutsitsinermi mingutsitsinermik killilersuinnermut iliuuseqarneq qanoq ingerlanneqarnerisooq nassuiarneqassaaq, aammalu teknologii toqqarneqarsimasooq nassuiarneqassalluni, tassungalu ilanngullugu sooq tamanna teknikkut pissarsiarineqarsinnaasutut pitsaanerpaatut isigineqarnerisooq pillugu tunngavilersuisooqassaaq.

- a) Mingutsitsinermik killilersuinnermut iliuuseqarnermut atortut tassaasinnaapput katersuiviit siorartallit, uuliamik immikkoortiterutit, orsumik immikkoortiterutit saliiwiillu.
- b) Mingutsitsinermut killilersuinnermi iliuusissanik atuisoqarpat, taakku pisinnaasaat allanneqassaaq.

b) Imermik kuutsitamik katersuiviup aqqa paasissutissiissutigiuk.

c) Imermik kuutsitamik katersuivimmu kuutsitsinissamut qinnuteqaat, imeqarfimmi tigooqqarneqartumi akooiaatsimut paasissutissanik (kimikillisaanermut naatsorsuutit) ilaqartinneqartoq nassiunneqassaaq.

H. Piumasaqaatissatut aamma nammineeeluni misissuisarnissamut siunnersuutit

- a) Suliffeqarfiup piumasaqaatissatut aamma nammineeeluni misissuisarnissamut siunnersuutai allattukkit. Siunnersuutit ukuninnga imaqaassapput:
 - a. Misissuilluni uuttuisarnerit amerlassusissaat annertussusissaallu.
 - b. Misissugassanik tigusiffissat
 - c. Saliinnermi atortunik aserfallatsaaliuinnermi misissuisarnermilu periaatsit sulinissamullu pilersaarutit.
 - d. Atortut salinneqartarnerisa ingerlanerinit nalunaarsuiffissamut assersuutit.

I. Qinnuteqaatip nassiunneqarnerata ullua kiisalu qinnuteqartup atsiornera

- a) Nassiussisoq / ulloq